



Broj: 02/06-04-028239-8-2/25

Datum: 10.10.2025. godine

Na osnovu člana 70. stav 1) Zakona o javnim nabavkama („Sl. glasnik BiH“, br. 39/14, 59/22 i 50/24), Sekretar Ureda za zajedničke poslove kantonalnih organa, donosi:

ODLUKU

**o poništenju postupka javne nabavke za nabavku i isporuke
elektronsko računarske opreme - LOT 2 Laptop računar**

Član 1.

Prihvata se preporuka Komisije za javnu nabavku iz Zapisnika o ocjeni ponuda broj: 02/06-04-028239-7-2/25 od 06.10.2025. godine u postupku javne nabavke i isporuke elektronsko računarske opreme - LOT 2 Laptop računar i poništava se postupak u skladu sa članom 69. stav (1) i (2) tačka b) i d) Zakona o javnim nabavkama jer nijedna dostavljena ponuda nije prihvatljiva.

Član 2.

Ova odluka stupa na snagu danom donošenja.

Član 3.

Ova odluka će se objaviti na web stranici ugovornog organa u skladu sa članom 70. stav (6) ZJN.

Obrazloženje

Postupak javne nabavke pokrenut je Odlukom o pokretanju postupka nabavke broj: 02/06-04-028239/25 od 23.09.2025. godine.

Javna nabavka je provedena putem konkurentskog zahtjeva. Izbor ponuđača izvršen je na osnovu kriterija najniža cijena.

Procijenjena vrijednost javne nabavke za LOT 2 Laptop računar bila je 5.128,21 KM bez PDV-a. Obavještenje o nabavci broj: 1116-7-1-38-3-51/25 objavljeno je na Portalu javnih nabavki 24.09.2025. godine.

Komisija za javnu nabavku imenovana izvršila je otvaranje ponuda dana 06.10.2025. godine. Nakon izvršenog vrednovanja, Komisija je ugovornom organu dostavila Zapisnik o ocjeni ponuda broj: 02/06-04-028239-7-2/25 od 06.10.2025. godine, koji ujedno predstavlja preporuku o poništenju postupka predmetnog lota, kao i izvještaj o radu komisije u postupku predmetne javne nabavke. Iz Zapisnika o ocjeni je utvrđeno da je Komisija za javnu nabavku blagovremeno i pravilno izvršila otvaranje pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije);
- da je blagovremeno zaprimljeno 2 (dvije) ponude;
- da nema neblagovremeno zaprimljenih ponuda;
- da su ponude ponuđača: Emado“ d.o.o., „Imtec“ d.o.o. nepravilne, u vezi s čim su odbačene, jer ne ispunjavaju uslove iz konkurentskog zahtjeva.

Uvidom u ponudu broj: NR0210/25-L2 ponuđača Emado d.o.o. za ponudeni model laptopa ASUS VivoBook 17 X1704VA, Komisija je ustanovila da za ponudeni model nije navedena varijanta konfiguracije odnosno PART NUMBER (SKU oznaka) iz kojeg se može zaključiti koji procesor se nalazi u uređaju i koja je boja uređaja laptopa, pri čemu je Komisija ponuđaču Emado d.o.o. dana 06.10.2025. godine dostavila Zahtjev za pojašnjenje broj: 02/06-

04-028239-5/25 koje se odnosi na prethodno navedeno. Ponudač je dana 06.10.2025.godine dostavio Pojašnjenje ponude prema zahtjevu 02/06-04-028239-5/25 od 06.10.2025.godine, gdje se navodi da je za ponuđeni model laptopa ASUS VivoBook 17 X1704VA-AU531 ponuđen Intel i5 1334U procesor, Win 11 Pro licencom, externim LAN adapterom i DVD RW, tamno plave boje laptopa. Iz dostavljenog akta ponudača utvrđeno je da ponuđeni procesor sa ostalim navedenim karakteristikama ispunjava uvjete iz tehničke specifikacije, ali obzirom da je tehničkom specifikacijom u Aneksu III - Obrazac za cijenu ponude predviđena crna boja laptopa, konstatovano je da plava boja laptopa ne ispunjava zahtjev iz tehničke specifikacije, a što nije u skladu sa uvjetima iz konkurentskog zahtjeva, zbog čega se ova ponuda odbacuje.

Uvidom u ponudu broj: 04 10/25-R od 02.10.2025.godine od ponudača Imtec d.o.o. Sarajevo Komisija je ustanovila da za ponuđeni model laptopa ASUS VivoBook 17 X1704VA- AU531 potrebno pojasniti koji se procesor nalazi u navedenom modelu laptopa, kao i koja će se boja laptopa isporučiti. S tim u vezi, Komisija je ponudaču Imtec d.o.o. dana 06.10.2025.godine dostavila Zahtjev za pojašnjenje broj: 02/06-04-028239-6/25 koje se odnosi na prethodno navedeno. Ponudač Imtec d.o.o. je dana 07.10.2025. godine dostavio Pojašnjenje dokumentacije uz ponudu za postupak nabavke i isporuke elektronsko-računarske opreme za LOT 2, kojim pojašnjenjem su dostavljeni traženi podaci, odnosno ponuđeni procesor je Intel Core i5-1334U (12 MB Cache, do 4.6 GHz, 10 jezgra, 12 niti), a ponuđena boja laptopa je plava. Iz dostavljenog akta ponudača utvrđeno je da ponuđeni procesor sa ostalim navedenim karakteristikama ispunjava uvjete iz tehničke specifikacije, ali obzirom da je tehničkom specifikacijom u Aneksu III - Obrazac za cijenu ponude predviđena crna boja laptopa, konstatovano je da plava boja laptopa ne ispunjava uvjet iz tehničke specifikacije, a što nije u skladu sa uvjetima iz konkurentskog zahtjeva, zbog čega se ova ponuda odbacuje.

Obzirom da je održavanje e-aukcije bilo predviđeno konkurentskim zahtjevom, ali da nijedna od dostavljene 2 (dvije) ponude nije prihvatljiva, e-aukcija se nije mogla ni zakazati shodno članu 4. stav (2) Pravilnika o uslovima i načinu korištenja e-aukcije („Službeni glasnik BiH“ broj: 80/23).

Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je poništenje postupka predmetnog lota izvršeno u skladu sa Zakonom o javnim nabavkama, podzakonskim aktima, internim aktima i konkurentskim zahtjevom.

POUKA O PRAVNOM LIJEKU:

Protiv ove Odluke može se izjaviti žalba ugovornom organu, najkasnije u roku od 5 (pet) dana od dana prijema ove Odluke. Žalba se podnosi u pisanoj formi direktno ili preporučenom poštanskom pošiljkom i to u najmanje tri primjerka.



SEKRETAR

Zdenka Marijanović, dipl. pravnik

Dostaviti:

- „Imtec“ d.o.o. Sarajevo
- „Emado“ d.o.o
- a/a